


大清會典


百三十一






內閣文庫		
函	冊	號
二	四	一八九
架	冊	號
二	四	一八九
架	冊	號
二	四	一八九
架	冊	號

內閣文庫		
函	冊	號
二	四	一八九
架	冊	號
二	四	一八九
架	冊	號
二	四	一八九
架	冊	號

內閣文庫		
番號	漢	1899
冊數	141 (131)	
函號	295	1








大清會典卷之一百五十一

內務



掌儀司上

郎中。員外郎。主事。分掌筵宴祭祀。禮儀樂舞之事。

凡陳設。每年元旦。元宵。冬至。

聖節。及頒給冊寶勅封等吉日於

慈寧宮

寧壽宮

坤寧宮行禮。預期鋪設祭壇

慈寧宮簷下陳設中和樂。門外陳設丹陛樂。

寧壽宮

坤寧宮門內。陳設丹陛樂。行禮時奏樂。

凡筵宴。每年除夕。正月十四。十五日。陳設賀節筵宴。元旦。元宵。令節。清晨設宴。應用桌席食品。預期啟奏。移文該管官處整備。將進酒大臣啟奏。派出於

皇上陞座之先。陳設

御用筵席於

殿堦正中。其內大臣侍衛。併文武各大臣桌席。俱按位次排設畢。奏請

皇上陞座。進饌。進茶畢。大臣進酒。

鍾壺。掌儀司官呈捧。○涼棚。武備院

張設。○酒壺。包衣大安排。○鍾壺等物。廣儲司預備。

設宴日恭進

太皇太后

皇太后

皇上

皇后

皇貴妃

貴妃

妃

嬪等

皇太子筵席各一張

隨從筵數。啟奏備辦

凡每日常宴。

皇上筵席一張

俱用金器

賜內大臣侍衛等筵席二十張。

俱用銀器。外藩王。台吉等來朝併直省將軍。總督。巡撫。提督。總兵等官。若召進賜宴。添設筵席。

太皇太后筵席一張

隨從桌三張

皇太后筵席一張

皇后筵席一張

皇貴妃

貴妃

妃

嬪等

皇太子公主等筵席各一張

凡給賜外藩食物。外藩公主等來朝理藩院行文到日。酌撥

皇城內官房。移文該管官鋪設安住。每日公主桌

各一張。茶各一桶。

隨從桌各二張

王。額駙。台吉。他布囊

等來朝。每日桌各一張。茶各一桶。公主等及公

主之子。國舅等之子。回國日。給賜菓品食米等

物。其未來公主等。每年將菓品食米等物。各差人賜給。

凡祈雨日。不宰牲。齋戒日。素服日。不賜筵席。凡祭。

神。每日早晚祭。

神。二次。四時進獻致祭。春秋大祭。

堂子。每月初一日。進掛紙錢。

奉先殿。順治十四年建。前殿七間。後殿七間。後殿設暖閣。床。中間一龕。左設。

太祖高皇帝神位。右設。

高皇后神位。東間一龕。左設。

太宗文皇帝神位。右設。

文皇后神位。俱南向。

每日早晚。點香燈。獻飯。午間。獻麪食。

每月薦鮮。併獻粢盛牲品。忌辰。元宵。清明。霜降。

十月初一日。獻菓品十二色。肉二盤。酒三爵。四。

月初八。七月十五日。各獻素菓十二色。立春。端。

陽。重陽日。各獻菓品八色。肉二盤。酒三爵。

春秋二季。經筵前一日。

皇上出郊駐驛前一日。及回京第二日。俱於。

後殿告祭。

皇太后聖誕。

萬壽聖節。元旦。冬至。除夕。每月朔。望。及冊封等日。恭

捧

神位。詣

前殿。中間奉安

太祖高皇帝神位在左。

高皇后神位在右。俱南向。

太宗文皇帝神位在東旁之右。

文皇后神位在東旁之左。俱西向。獻籩豆。讀祝文。奏樂

大祭

奉先殿。凡大祭。及告祭日。如遇

皇上親詣

壇廟祭祀之期。遣內大臣一員。於

奉先殿行禮。

香帛酒醴。派內府官供獻。其應獻品物。各該管衙門備送。御膳房造獻。

神位初入

奉先殿大祭儀。是日清晨。內府官員備犧牲菓品等物。

預行陳設

神位前。各執事官員。太常寺贊禮郎。樂舞生等。各司

其事。內大臣侍衛。內府官員等。俱朝服於

奉先殿門外兩傍排立。

皇上具禮服陞輿。至設立

神位處降輿。詣各

神位前行一跪三叩頭禮。捧舉各

神位內府官員。亦隨行禮畢。恭請

神位奉安亭內。

皇上於亭前行一跪三叩頭禮。捧請各官亦隨行禮

畢。內府官員舉

神位亭前行。由中門出。詣

奉先殿。

皇上乘輿隨往。其排立內大臣侍衛等。跪迎

神位亭過。隨

皇上至

奉先殿門。

皇上降輿。內大臣侍衛。內府官員等。俱隨入至

奉先殿前分班侍立。

神位亭至丹陛上停設。引禮官引

皇上詣

神位亭前。行一跪三叩頭禮。捧請各

神位內府官員。亦隨行禮畢。捧起

神位隨

皇上後。次第奉安

神位於

前殿寶座。

皇上行一跪三叩頭禮。捧請各官。亦隨行禮。退。

皇上詣拜位前立。贊禮官。贊樂舞生就位。執事官。各

司其事。引禮官。贊就位。引

皇上進前立。贊禮官。贊迎

神。樂官唱舉迎

神樂。奏太平之曲。樂作。引禮官。贊跪。叩。興。

皇上行三跪九叩頭禮。興。內大臣侍衛。內府官員。亦

隨行禮。樂止。贊禮官。贊奠帛。行初獻禮。樂官唱

舉初獻樂。奏壽平之曲。樂作。捧帛官。捧帛高舉。

詣獻帛案東傍立。捧爵官。捧爵高舉。詣

神位兩傍立。引禮官。贊就位。捧帛官。跪。

皇上詣奠帛案前立。引禮官。贊跪。

皇上跪。贊奠帛。

皇上受帛。拱舉。獻於

神位前案上。興。引禮官導

皇上詣獻爵案前立。捧爵官跪進爵。引禮官。贊獻爵。

皇上受爵拱舉獻於

神位前案上。引禮官贊如獻帛儀。次第於各神位前獻畢。

皇上復位立。樂止。贊禮官贊行亞獻禮。樂官唱舉亞獻樂。奏嘉平之曲。樂作。獻爵。如初獻儀。樂止。贊禮官贊行終獻禮。樂官唱舉終獻樂。奏雍平之曲。樂作。獻爵。如亞獻儀。畢。

皇上復位立。樂止。贊禮官贊徹饌。樂官唱舉徹饌樂。奏景平之曲。樂作。徹饌訖。樂止。贊禮官跪。贊行禮畢。請還宮。行三叩頭禮。退。樂官唱舉還宮樂。

奏成平之曲。樂作。引禮官贊跪。叩。興。

皇上行三跪九叩頭禮。興。內大臣侍衛。內府官員。俱隨行禮。樂止。贊禮官贊捧帛詣燎所。捧帛官各詣

神位前一跪三叩頭。捧帛詣燎所。引禮官導。皇上轉至拜位東。西向立。捧帛過。引禮官導。皇上復位立。候帛燎半。引禮官贊禮畢。導。皇上出殿。樂作。

皇上於簷下東傍西向立。內大臣侍衛。內府官員等。仍在兩傍排立。樂止。

皇上再入殿內。於

神位前行一跪三叩頭禮。捧請

神位內府官員。亦隨行禮。捧請

神位隨

皇上後。次第送入

後殿。奉安原座。

皇上行一跪三叩頭禮。捧請各內府官員。俱隨行禮

畢。

皇上出乘輿還宮。○十七年

諭

奉先殿內。但祭

太祖。

太宗。未經合祭

四祖。朕之孝心。猶爲未盡。嗣後遇元旦。

皇太后聖誕日。朕誕辰。恭迎

太廟四祖神位。於

奉先殿前殿內。與

太祖

太宗合祭。獻籩豆。讀祝文。奏樂。大祭前一日。遣內大臣

一員。在

奉先殿後殿告祭。○十八年題准。

奉先殿早晚點設香燈。每月陳薦新物。掌儀司官一員。

在各

神位前點香三次。行三跪九叩頭禮。

皇上萬壽聖節。捧請

神位於

前殿。獻籩豆。讀祝文。奏樂大祭。若忌辰。除夕。元旦。元宵。清明。霜降。十月朔。八月十五等日。各獻菓品十二色。肉二盤。酒三爵。燃點香燈。俱掌儀司官前一日奏請。派內大臣一員。在

神位前點香三次。行三跪九叩頭禮。四月初八日。各

獻素菓八色。立春。端陽。重陽日。各獻菓品八色。

肉二盤。酒三爵。每月朔。望。各獻菓品五色。酒三

爵。燃點香燈。俱掌儀司郎中一員。在各

神位前點香三次。行三跪九叩頭禮。若郎中有事。員

外郎行禮。朔。望。若遇吉日。停止獻禮。其供獻之

物。俱由

奉先殿飯房。茶房。太監預備。至祭獻帛酒。令侍衛供獻

○本年奉

世祖章皇帝神位入

奉先殿。恭請

太祖高皇帝

高皇后

太宗文皇帝

文皇后神位於

前殿。

世祖章皇帝神位。設於西邊。東向。獻籩豆。讀祝文。奏樂。

皇上親詣行大祭禮。奉安

世祖章皇帝神位於

後殿西傍一間。南向。○康熙元年。加上

太祖

太宗謚號。恭請新神位。奉安於

奉先殿之後殿。遣內大臣告祭。○六年。奉

孝康皇后神位。入

奉先殿。預期告祭。是日

皇上恭捧

孝康皇后神位。奉安於

世祖章皇帝一龕內之右。致祭行禮。如常儀。○九年。加

上

孝康皇后廟號爲

章皇后神位入
奉先殿。

皇上親詣行禮。大祭前一日。遣大臣告祭。○十一年
春季。

皇上於

先農壇行藉田禮。前一日。遣大臣於

奉先殿後殿告祭。○十三年議准。凡遇元旦。

太皇太后聖誕。

皇太后聖誕。

萬壽聖節。恭請

四祖神位。詣

奉先殿前殿合祭。如常儀。○又議准。凡常祭。奠獻官員

俱用常服。遇吉日用補服。忌辰用素服。○十四

年。

仁孝皇后神位。升祔於

奉先殿。恭請各

神位於

前殿。

太祖高皇帝

高皇后神位。座於正中。南向。

太宗文皇帝

文皇后神位座於東旁南向。

世祖章皇帝

章皇后神位座於西旁南向。

仁孝皇后神位座於東設西向。陳設籩豆。讀祝文。奏

樂。遣內大臣。大祭前一日。告祭

後殿。

皇上親詣行禮。

仁孝皇后神位。奉安於

後殿東側第二間。南向。○又題准。凡祭文內。不書

仁孝皇后謚號。

皇上詣

奉先殿後殿告祭時。於

仁孝皇后神位前立拈香。○又定。

奉先殿祫祭。於前殿正中寶座設

原皇帝

原皇后神位。東側第一寶座設

直皇帝

直皇后神位。西側第一寶座設

翼皇帝

翼皇后神位。東側第二寶座。設

宣皇帝

宣皇后神位。西側第二寶座。設

高皇帝

高皇后神位。東側第三寶座。設

文皇帝

文皇后神位。西側第三寶座。設

章皇帝

章皇后神位。俱南向。

仁孝皇后神位。東旁設。西向。○本年。册立

皇太子

皇上親詣

奉先殿前殿行大祭禮。如常儀。畢。隨捧請

仁孝皇后神位於

前殿。遣大臣行大祭禮。○十五年題准。凡遇頒給册

寶勅封之日。俱遣大臣於

奉先殿後殿告祭。停其前殿大祭。○又題准。凡祭

奉先殿。恭遇

皇上親詣

壇廟行禮之日。俟祭

壇廟畢時方祭○十八年。

孝昭皇后神位入

奉先殿恭請

神位奉安於

前殿

仁孝皇后神位之次左旁遣大臣大祭如常儀前一

日在

後殿告祭。

皇上親詣行禮畢奉安

孝昭皇后神位於

仁孝皇后一龕之右○本年鼎新

奉先殿暫請

神位安設於

太廟正殿暖閣內。

仁孝皇后

孝昭皇后神位連寶座設於東旁一間用黃帳籠蓋

遣大臣告祭如常儀一應祭獻暫停其每月薦

新掌儀司官照常行禮○二十年。

奉先殿告成奉安各

神位於新殿。

皇朝通志卷一百五十一
皇上親詣行大祭禮。是日。捧請
神位官員。前至

太廟。向各

神位前拈香。行一跪三叩頭禮。恭捧

神位。安設於亭內。行一跪三叩頭禮。校尉舉亭前行。
皇上御補服。立於

奉先殿誠肅門內之南旁。內大臣侍衛等。用補服立於
誠肅門之外。恭迎

神位亭進階上。停設。引禮官導

皇上向階前。內大臣侍衛等。隨進內垣兩旁排立。

皇上至階上。詣

太祖高皇帝神位前。行一跪三叩頭禮。捧請各官。俱隨
行禮畢。恭捧各

神位。次第安設於寶座畢。又行一跪三叩頭禮。

皇上復位立。照常行大祭禮。內大臣侍衛。俱隨行禮。

閱祭文儀。凡

前殿大祭。

後殿告祭。恭閱祭文。俱於五日前請
旨。若

皇上親閱祭文。未祭前一日。於

會典卷一百五十一
乾清門中。恭設黃案。祭文內敬填。

御名。裹於黃綾。飛金畫龍包袱內。設案上。點燈。贊禮
郎一員。進至祭文案前。行一跪三叩頭禮。恭捧
祭文。前列官四員。導引進景運門中門。由
乾清門中階。升至設祭文案前。陳設畢。行一跪三
叩頭禮。展開包袱。奏請

皇上閱祭文。畢。行一跪三叩頭禮。旁立。捧祭文官進
包裹祭文。畢。設案上。

皇上還宮。捧祭文官。行一跪三叩頭禮。恭捧祭文。照
前引送至

奉先殿神庫內。設於祭文案上。行一跪三叩頭禮。若

皇上不閱祭文。捧祭文官。照常行禮。

祭文用楠木板
白紙糊。黃紙鑲

邊。墨
書

前殿大祭儀。

未祭前一日。遣官一員。視宰牲。瘞毛血於淨處。
殿內兩側陳樂。設燈。祭之日。

殿中拈香。點燈。獻祭品於各

神位前。畢。捧請

神位各官。進

後殿內。向各

神位前拈香。行一跪三叩頭禮。恭請神位於

前殿案上。行一跪三叩頭禮。讀祝官至。

神庫內。於陳設祭文前。行一跪三叩頭禮。恭捧祭文。

導引官引入。

奉先門中門。設於

殿內案上。行一跪三叩頭禮。祭文案。設於

殿內中間西側。執事官員。樂舞生。各司其事。陳獻畢。

至將祭時。奏請

皇上御補服。出陞輿。在誠肅門外降輿。前引內大臣

十員。次對引官導引。後內大臣二員。親隨侍衛等隨進。對引官。由誠肅門導

皇上入

奉先門東傍門。太監捧水盤跪進。

皇上盥手畢。由臺之東階升。親隨侍衛等。於階下立。

兩翼內大臣。於

殿外月臺中間。兩旁排立。導引官引

皇上進

殿內。就行禮處立。隨從大臣二員。亦進內。在兩旁立。

贊禮官。贊樂舞生就位。執事官各司其事。引禮

官贊就位導

皇上向前就位立。贊禮官贊迎。
神樂官唱舉迎。

神樂奏太平之曲。樂作。引禮官贊跪。叩興。

皇上行三跪九叩頭禮。興。樂止。贊禮官贊奠帛。行初獻禮。樂官唱舉初獻樂。奏壽平之曲。樂作。奠帛。爵侍衛高舉於各

神位前奠畢。行一跪三叩頭禮。退。讀祝官在祭文案前行一跪三叩頭禮。從案上捧取祝文。跪。樂暫止。引禮官贊跪。

皇上跪。引禮官贊讀祝文。讀祝官讀畢。至

神位前跪。設祭文於帛匣上。行三叩頭禮。退。引禮官贊叩興。樂作。

皇上行三叩頭禮。興。樂止。贊禮官贊行亞獻禮。樂官唱舉亞獻樂。奏嘉平之曲。樂作。奠爵。如初獻儀。奠畢。樂止。贊禮官贊行終獻禮。樂官唱舉終獻樂。奏雍平之曲。樂作。奠爵。如亞獻儀。樂止。贊禮官贊徹饌。樂官唱舉徹饌樂。奏景平之曲。樂作。徹饌訖。樂止。贊禮官跪。贊行禮畢。請還宮。行三叩頭禮。退。樂官唱舉還宮樂。奏成平之曲。樂作。

引禮官贊跪叩興。

皇上行三跪九叩頭興樂止贊禮官贊捧祝帛詣燎所捧祝帛官侍衛詣

神位前行一跪三叩頭禮捧祝帛次第送至燎所樂作引禮官導

皇上轉至拜位東向西立祝帛捧過引禮官導

皇上復位立焚祝帛贊禮郎數帛贊禮官贊行禮畢皇上回宮捧請各

神位官員向前行一跪三叩頭禮奉安各神位於

後殿拈香各行一跪三叩頭禮退。

若遣大臣行禮一應奠獻俱如前儀對引官至誠肅門引行禮大臣進

奉先門西側門由西階升至殿外月臺行禮其祝帛送燎所時行禮大臣在西側避立祭畢由西階

下出

行禮內大臣用補服

裕祭儀

祭前一日陳設

寶座。

殿外月臺兩旁陳樂設燈預備

黃亭等項。用校尉舉擡。送至
太廟內安設。

祭之日。燃點香燈。獻祭品於各

神位前。讀祝官。在

神庫內。在祭文案前。行一跪三叩頭禮。捧設祭殿案
上行一跪三叩頭禮。恭請

神位各官。於

神位前。拈香。行一跪三叩頭禮。奉

神位於黃亭內。行一跪三叩頭禮。校尉舉擡。前用御

杖一對。羊角燈各一對。對引官各二員。由端門

午門。出協和門。進

奉先門中門。階下停設。捧請各官。向亭前行一跪三
叩頭禮。恭捧

神位。奉安於祭殿內各

寶座。行一跪三叩頭禮。奉請

奉先殿內神位各官。伺

太廟神位亭將到時。隨進

後殿。向所舉位前拈香。各行一跪三叩頭禮。謹捧
神位。在祭殿中門東旁立。恭接

太廟神位過。隨次第向各

寶座安設。各行一跪三叩頭禮。凡奠獻品物。行禮儀

注。俱照大祭禮行。祭畢。恭送

太廟內神位各官。向所舉

神位前。各行一跪三叩頭禮。奉請

神位安設於黃亭內。行禮俱如前儀。奉請

奉先殿神位各官。向各

神位前。行一跪三叩頭禮。謹捧

神位於殿東傍立。候送

太廟神位過時。卽回送

神位於

後殿安設。各拈香。行一跪三叩頭禮。退

後殿告祭儀

祭之前一日。派出官一員。視宰牲。瘞毛血於淨處

祭之日。點香燈。獻祭品於各

神位前。畢。讀祝官。詣

神庫內。祭文案前。行一跪三叩頭禮。執事官。各司其事。陳設畢。至祭時。奏請

皇上御補服。出乘輿。至誠肅門外。降輿。導引官。引

皇上進

奉先門東旁門。由殿東階下。至川堂階下北邊。太監捧水盤跪進。

皇上盥手畢。由川堂階。陞

殿內。至行禮處立。導引大臣。隨從大臣。在川堂兩翼排立。親隨侍衛。在階下立。贊禮官。贊執事官各司其事。引禮官。贊就位。執香盒官。跪。

皇上進詣

太祖香案前立。引禮官。贊跪。

皇上跪。接香盒高舉一次。授執盒官。興。引禮官。贊拈香。

皇上拈香三次。引禮官。引

皇上次第至

太宗

世祖神位前拈香。俱如前儀。引禮官。引

皇上至

仁孝皇后香案前。執香盒官。跪。

皇上立於香案前。接香盒高舉一次。授執盒官。引禮官。贊拈香。

皇上拈香三次。引禮官。贊復位。

皇上復位立。引禮官。贊跪。叩。興。

皇上行三跪九叩頭禮。贊禮官贊奠帛。初獻爵侍衛
向各

神位前。奠帛。獻爵。行一跪三叩頭禮。退。讀祝官至祭
文案前行一跪三叩頭禮。從案上捧取祭文。跪
引禮官贊跪。

皇上行三跪九叩頭禮。贊禮官贊讀祝文。讀祝官讀畢。送至

神位前。設帛匣。上行一跪三叩頭禮。退。引禮官贊叩
興。

皇上行三叩頭禮。興。贊禮官贊行亞獻禮。獻爵侍衛
向各

神位前獻爵。贊禮官贊行終獻禮。獻爵侍衛。奠獻俱
如前儀。贊禮官贊跪。叩。興。

皇上行三跪九叩頭禮。興。贊禮官贊捧祝帛送燎所。
捧祝帛官侍衛。向各


神位前。行一跪三叩頭禮。捧送祝帛時。

皇上行轉至東側西立。祝帛捧過。

皇上復位立。引禮官贊行禮畢。

皇上回宮

若遣大臣行禮。俱如前儀。對引官。由誠肅門引
行禮大臣。進



奉先門西旁門。由殿西階下。川堂對過階上。至殿門

檻外。進川堂內立。行禮。送祝帛至燎所時。在西

側避立。祭畢出。

行禮內大臣用補服

大清會典卷之一百五十一

會典卷一百五十一

三

